



蟹畧序



步兵歌鱸鱠之飛聲都官擊節河豚河豚亦大
加雋物之爲物人也非物也蟹弗逢畢吏部安
得同其快且豪黃太史不接其風流又安知其
風味之高耶嗚呼人之懷峻特挺英竒固大有
不相能者況物乎然太史以爲也知齧鯨元無
罪柰此樽前風味何固已念在勝殘而去殺矣
惟鍾岢之所以爲何嗣胤戒者特曰蟹之將糖
蹂擾彌甚仁人用意深懷惻怛嗚呼仁哉余讀

傳肱蟹譜惜其微錄大畧以為加集以廣見聞
非有志於饗且忍也表其首曰蟹箴嘉定四年
四月二十日似孫

蟹畧目錄

卷一

蟹原

蟹象

卷二

蟹鄉

蟹具

蟹品

蟹占

卷三

蟹貢

蟹饌

蟹牒

卷四

蟹雅

蟹志

蟹賦

蟹詩

高氏似孫修

郭索傳

太玄經銳之初一曰蟹之郭索後蚧黃泉測曰
 蟹之郭索心不一也范明叔曰郭索多足貌司
 馬公曰荀子曰蚧無爪牙之利筋骨之強下飲
 黃泉用心一也蟹六跪而二螯用心躁也劉貢父蟹
 詩後不足杜詩草泥行郭索雲木叫鉤輒陸龜蒙
 詩自是揚雄知郭索且非何嗣敢餵餽黃太史

詩朝泥看郭索暮鼎調酸辛又詩黃泥本自行
 郭索玉人為開桃李顏毛友詩沙頭郭索衆橫
 行豈料身歸五鼎烹陸放翁詩未嘗鱠噉况
 敢烹郭索曾裘父詩好事不知誰爾汝能令郭
 索到樽前疎寮詩硯濕春鋤雨鑪腥郭索泥
 郭索字介夫皮日休龍潭詩左右擁介臣縱橫
叔作趙德麟德隅堂畫品其一曰武洞清所三
界朝元圖下有水神不朝腰間插一蟹足沙文
其滑稽因書于系生於吳越江淮間孳種光盛
此觀者必一笑而在松陵蒼雲間者雋秀特傑有聲名蓋孕氣

儲精上應辰次而義翁之畫義取諸離至漢楊
雄氏草太玄經獨推稱之性耿介不受擾觸外
甚剛果若奮矛甲中實柔脆殊無他腸人皆愛
之稱其為無腸公子歲至西風高霜深月峭嘉
穀登實之秋更甚得志至采雙穗以朝其宗是
為智且義者至若風味開爽如老於騷者而世
欲樂而食之不亦愚且昧乎惟畢茂世與之狎
最為相知者陸龜蒙黃太史更能知其可嘉相
與擊節於酒盃筆硯中其他騷人墨客固多推

尚未有如二三公之心相知者他支不一日蚌
曰蜉蝣往往過美如樂於甘佚而畧不通騷者又
有螟螣輩皆六六么陋幾草茅窶人不足道矣
惟介夫有稜韻有風豪幾於直而溫寬而栗亦
一代之雄天下之奇乎贊曰

畢茂世有云左手持蟹螯右手持酒盃拍浮酒
池中豈不了一生平晉春秋曰畢卓字茂世云
云郭子曰一手持蟹螯一手持酒盃拍浮酒池
中可了一生哉

蟹原

易說卦曰離為蟹孔穎達疏曰取其剛在外
禮記月令曰季秋行冬令介蟲為妖注曰後漢
五行志丑為蟹

蟹

月令章句曰介者甲也蟹之屬

大戴禮曰甲蟲三百六十神龜為之長蟹亦蟲

之一

廣雅曰蟹蛄音尼也其雄曰蝦蟇其雌曰轉帶五篇

蝦作

蟹象

陳藏器本草伊洛中蟹形狀不同孟
詵曰形狀雖惡食甚宜人皮日休蟹
詩形容好箇似蟧蟊黃太史蟹詩
形模終入婦女笑今表之曰蟹象

匡

箱

禮記曰蠶則績而蟹有匡任昉述異記曰騰嶼
之南溪淡水清有蟹焉匡大如笠皮日休蟹詩
紺甲青匡染落衣島夷初寄北人時錢起詩漫
把樽中物無人咏蟹匡張文潛詩匡實黃金重
螯肥白玉香齊唐詩歲貴波熬素時玳蟹有箱

箱即匡也

甲

殼

斗

甲匡也宋元憲詩露夕梨津飽霜天蟹甲肥宋
景文蟹詩楚人故使衷留甲齊客何妨死願烹
章甫詩殼重貯黃金螯肥擘香玉踈寮詩魚帶
淞江月盈缶雋處依稀開蟹斗

膏

嶺表錄異曰蟹殼內有黃赤膏皮日休詩蟹因
霜重金膏溢橘為風多玉腦圓梅聖俞詩滿腹

紅膏肥似髓貯盤青殼大於盃陶商翁詩黃柑
鱸繪金膏蟹使我秋風未拂衣又詩紫蟹膏應
滿丹楓葉未凋

臍

廣韻曰臍蟹腹下臍即臍也黃太史詩三歲在
河外霜臍常食新又詩想見霜臍當大嚼夢回
雪壓摩山園王踈寮糟蟹詩烹不能鳴渠幸生
含糊終作醉鄉行裂臍已腐人誰照折股猶腥
犬謾爭李商老詩霜臍貴抱黃雀醢誇挾纊韞

子蒼詩先生便腹惟思睡不用殷勤設小團謝
幼槃詩分付厨人苦見嫌十臍元有九臍尖胡
澹翁詩如今竹閣多清興紫蟹尖團不數蝦陸
放翁詩傳方那解烹羊脚破戒猶慙擘蟹臍章
甫詩呼兒破團臍進此盃中綠踈寮詩僧釜菘
分甲渙筭蟹鬪臍

二螯

大戴禮曰二螯八足孝經援神契曰蟹二螯兩
端傍行注曰螯猶兵也小蟲而傾兩端自衛故

使傍行玉篇曰蟹二螯八足荀子曰蟹六跪二
螯注曰跪足也蟹皆八足許慎說文曰蟹六足
二螯者也本草圖經曰六足者名跪四足者名
蚩吳筠詩所以傾家釀為君一解螯許渾詩蟹
螯只恐相如渴鱸膾應防曼倩饑東坡詩對飲
持雙螯酒酣箕踞坐陳純益詩謾憶尊千里先
嘗蟹二螯王元之詩搯牀難死慚龜殼把酒狂
歌憶蟹螯毛友詩長安酒苦貴蟹初臂着霜用
臂字良竒外無人用也李商老詩不知底事真

奇語且向樽前嚼二螯陸放翁詩染丹梨半頰
斫雪蟹雙螯又詩兩螯何鼎蟹喪軀一嚮可憐
牛喪領踈寮詩有桂叢生須讓菊爲鱸歸去也
輸螯

爪

本草經曰蟹爪破墮胎

目

博物志曰蟹目相向者毒尤甚又有赤目者有
獨目者皆不可食黃太史詩怒目橫行與虎爭

寒沙奔火禍胎成

無腸

抱朴子曰山中無腸公子者蟹也一本作無腹
混俗願生論臭無氣蟹無腹稟氣不足不可多
食顧況曰螟蛉之子蝦目蟹腹即即周周兩不
相掩此之謂體異而氣同梅聖俞詩定知有口
能噓沫休說無腸便畏雷曾文清詩麴生有味
深留我公子無腸極可人陸放翁蟹詩舊交髯
簿久相忘公子相從獨味長醉死糟丘終不悔

看來端的是無腸章甫詩公子雖無腸心躁行亦遲

心躁

大戴禮曰蟹二螯八足非螿之穴無所寄託者心躁也荀子同陸龜蒙賦曰中躁外撓兮燿炮之蟹陳簡齋詩但見橫行疑是躁不知公子實無腸呂居仁詩竹間新筍大如椽樹頭黃耳肥於肉亦不見蟹躁擾亦不見牛齧棘此亦是蟹箴

香

陸龜蒙詩藥盃應阻蟹螯香却乞江邊採捕郎宋景文公詩繪縷薦盤鱗項縮酒盃行筭蟹螯香又詩爲尋劉白高吟地酒熟螯香左右持張文潛詩佳實黃金重螯肥白玉香蔣穎叔淞江詩秀蹙青螺髻香持白蟹螯踈寮詩小山花落渠如別右手螯香我欠肥

沫

陸龜蒙蟹詩骨清猶似含春靄沫白還疑帶海

霜梅聖俞詩定知有口能噓沫休說無心便畏
雷黃太史詩序曰得蟹數枚吐沫相濡

肥

林和靖詩水痕秋落蟹螯肥閑過黃公酒食歸
宋元憲詩露夕梨津飽霜天蟹甲肥蘇轍城詩
蟹肥螯正滿石破髓初堅顧臨詩如逢公釀年
來富鬪虎匡螯稻正肥黃太史詩用之酌蘇李
蟹肥杜醅熟俞紫芝詩莫恠野人輕宿住白蘋
霜落蟹螯肥齊唐詩身閑婚嫁畢秋老蟹螯肥

滕甫詩主人留客醉酒美蟹螯肥陸放翁詩村
場酒薄何妨醉菘米堪烹蟹正肥踈寮詩菊報
酒初熟橙催蟹又肥

性味

本草曰蟹性寒味鹹孟詵曰蟹子散諸熱日華
子曰蟹性涼張文潛詩中炎若逢蟹其快如冰
霜踈寮蟹詩江空蟹急窘於菟滿腹清涼做盡
秋幾與此合

風味

惟黃太史稱其味孟詵曰能去五
臟中煩悶氣此句絕奇陸龜蒙又

稱其骨清
有旨哉

黃太史蟹詩形模雖入婦女笑風味可解壯士
顏又詩不比二螯風味好那堪把酒對江山又
詩也知殼棘元無罪柰此樽前風味何又詩趨
蹌雖入笑風味極可人章甫蟹詩那知風味美
以此遭縛辱踈寮詩有魚有蟹美如玉胡不醉
呼黃鶴樓有用美字又詩有晉風姿如此蟹箇
箇能食無能解

仄行

本草經曰蟹足節屈曲行則傍橫鄭康成周禮
注曰蟲有仄行者蟹屬也偶賈公彥周禮疏曰
今之螃蟬以其仄行也孝經緯曰蟹兩端傍行
者也黃太史詩橫行葭葦中不自貴其身強至
蟹詩橫行竟何從躁心固已息陸放翁詩堪思
妄想緣香餌尚想橫行向草泥

走

周禮大司樂注曰蟹走則遲踈寮詩蟹遁迫衆
隙鶴饑拳兩階

朝魁

陸龜蒙蟹志曰執穗以朝其魁孟詵本草曰蟹至八月即啗芒兩莖長寸許東向至海輸海王之所接山海經大蟹在海中有大可十里者又曰女丑有大蟹十里玄中記曰天下之大物北海之蟹舉一螯能加於山身故在水中豈所謂魁而王乎謝幼槃詩誰能不累口腹事莫趣秋風嚼稻芒章甫詩江淮九月時輸海稻盈腹

治療

邪氣

熱結痛

啞癖

面腫

解結

散血

疽瘡

以黃塗之

漆瘡

養筋

益氣

殺茺菑毒

解鱧毒

鱧類也

疥瘡

折傳之

金瘡

螫黃內瘡中

斷絕筋骨

取蟹中髓及腦

與黃微熬內瘡中自然連續謝幼槃詩椎髓方嫌太瘦生

治瘡

沈存中筆談曰關中無螃蟬土人惡其形狀以為怪物秦州人家收得一乾蟹有病瘡者則借

去懸門上徃徃遂差不但人不識鬼亦不識曾
文清食蟹詩橫行足使斑寅懼乾死能令瘧鬼
亾

食忌

赤目者不可食 獨目者不可食 兩目相向
者不可食 四足者不可食 妊者不可食

毒

陶隱居曰蟹未被霜者甚有毒詩被霜二字以其
食水茺也人中之不療而死至八月腹有稻芒

食之無毒博物志曰秋蟹毒者無藥可療目相
向者尤甚本草曰蟹性寒有毒治毒之法用大
黃紫蘇冬瓜汁出食忌張文潛詩世言蟹毒甚
過食風乃乘謝幼槃詩有國常憂以味亡須知
有毒味中藏曾裘父詩甘食不美鴆毒終非可
戒章甫詩江淮九月時輸海稻盈腹紛紛來入
市衆口誇無毒

蟹畧卷之一

凡十三紙

蟹畧卷之二

高氏似孫修

蟹鄉

蟹澤

本草圖經曰蟹生伊洛池澤中注曰淮海京東河北陂澤中多有之

蟹浦

南齊建武四年崔慧景作亂到都下克單馬至蟹浦投漁人陸龜蒙蟹志曰漁捕於江浦間陸

放翁詩今朝有奇事江浦得霜螯

蟹洲

吳志曰蘇最多蟹鬱洲者尤肥大

蟹浪

吳人夜執火於水濱紛然而集謂之蟹浪

蟹穴

大戴禮曰蟹非鱸之穴而無所寄託者心躁也
荀子曰蟹非蛇鱸之穴無無所寄託強至墨蟹
詩初自鱸穴來猶帶浮泥黑毛友詩身綴鷓鴣

集鳳池亭尋麋鹿遊蟹堞唐韻曰堞堞塵起貌

蟹窟

梅聖俞詩肥大窟深淵曷虞遭食啄

蟹舍

張志和漁父詩淞江蟹舍蘆花邊蘇庠淞江詩
東隣蟹舍如着我已辦蓑笠懸牛衣張徽之淞
江詩蕭蕭蘆葦黃蟹舍何瀟灑陸放翁詩數椽
蟹舍償初志九陌塵衣洗舊痕又詩洞庭八萬
四千頃蟹舍正對蘆花洲

蟹具

淞江有漁具圖本草圖經曰南方人捕蟹差早王維為人作捕魚圖今之捕蟹良佳陸龜蒙詩却乞江邊探捕郎

蟹簾

陸龜蒙蟹志曰今之採捕於江浦間承峻流葦蕭而障之其名曰簾廣五形記曰元嘉中富陽民作蟹簾司馬溫公詩稻肥初斷蟹桑密不通鴉金嘉謨魚簾詩芒葦織簾箔橫當湖水秋寄言魚與蟹機穽在中流陸放翁詩水落枯萍粘蟹椴踈寮詩斷頭蟹大湏都買芻下醪香且竟

酣

蟹簾

吳越之人取蟹編簾以障謂之蟹簾石守道淞江賦曰小巢摻罟留之所施陸龜蒙迎潮辭曰鷗巢卑兮魚箔短黃太史賦曰聊生涯於葦竹即陸氏所謂葦蕭也

蟹扈

扈葉亦如簾陸龜漁具詩序曰倒竹於溼曰滬其詩曰萬植禦洪波半隨潮落石處道淞江

賦曰纂簷筍策以森布罍罍以交曳踈寮
詩水生奔蟹簷樹雜蔭魚牀又詩明夜定依漁
父宿簷頭呼蟹碧丸丸

蟹簷

簷者以竹為筭上接簾簾者也陸龜蒙曰筍即
簷也踈寮詩自携筆具呼西舟好風吹蟹歸魚
簷

蟹簷

纂文曰取蟹者曰簷

蟹網

吳人引舟取蟹沉鐵脚網謂之蕩浦又引徐行
兩舟中間施網謂之搖江黃太史詩誰憐一網
盡大去河北民

蟹釣

梅聖俞蟹詩老蟹飽經霜紫膏青石殼肥大窟
深淵曷虞遭食啄香餌與長絲下沉寧自覺未
免利者求潛潭不為邈又詩霜蟹肥可釣水鱗
活堪斫

蟹火

吳人取魚執火而攻之蟹則易集黃太史詩憶
觀淮南夜火攻不及晨又詩怒目橫行與虎爭
寒沙奔火禍胎成

蟹戶

錢氏治杭越置魚戶蟹戶劉禹錫詩宛洛魚書
至江村鴈戶歸用鴈戶亦奇少有人用此惟晏
元獻詩曰白草沙長多鴈戶黃榆關迥絕狼煙

蟹品

洛蟹

本草圖經曰蟹生伊洛池澤中注曰伊洛今淮
海京東河北陂澤中多有之沈存中筆談曰關
中無蟹

吳蟹

羅處約蘇州圖經其叙蟲魚蟹居其末可為無
風度之甚况大欠表章乎姑蘇婁縣即崑山也
有鬱吳塘蟹特肥大鬱洲者孫思所保之地石
處道淞江賦曰魚則蟹鼈蝦螺杜牧詩越浦黃

柑嫩吳溪紫蟹肥梅聖俞詩幸與陸機還往熟
每分吳味不嫌猜陸放翁詩團臍磊落吳江蟹
縮項輪囷漢水鯿又詩細肋新沙來左輔巨螯
斫雪出東吳章甫詩吳淞魚蟹熟安穩泛江流

越蟹

宋景文公越蟹丹螯美吳尊紫線縈謝景初詩
越俗嗜海物鱗介每一遺蝦羸味已厚况乃蟹
與螭張祐歸越詩好老寧雞口加餐及蟹螯

楚蟹

蘇樂城詩楚蟹吳柑初着霜梁園高酒試羔羊
韓子蒼蟹詩饒涎不避吳儂笑香稻魚償楚客
食章甫詩乃知楚人饒不待秋霜熟

淮蟹

梅聖俞詩淮南秋物盛稻熟蟹正肥黃太史蟹
詩憶觀淮南夜火攻不及晨張文潛詩遙憐連
水蟹九月已經霜

江蟹

許渾詩江上蟹螯沙渺渺鴈中蝸殼雪漫漫宋

景文公詩秋水江南紫蟹生寄來千里佐尊羹
梅聖俞詩年年收稻買江蟹二月得從何處來
陸放翁詩山煖已無梅可折江清獨有蟹堪持
注曰蜀中惟嘉州有蟹又詩今朝有奇事江浦
得霜螯

湖蟹

淞苕之蟹太湖蟬也陸放翁詩尚無千里尊那
有鏡湖蟹又詩團臍霜蟹四腮鱸尊俎芳鮮十
載無塞月征塵身萬里夢魂也復到西湖西湖

蟹稱天下第一又詩久厭羶葷愁下筋眼前湖
上得雙螯

溪蟹

吳興志曰九月間溪蟹大如盃極稱美張籍詩
越嶺黃柑嫩吳溪紫蟹肥東坡詩溪邊石蟹小
如錢喜見輪困至玉盤李商老詩溪友提攜紫
蟹肥形模郭索就羈縻踈寮詩山梅能摘索溪
蟹更清癯不言肥而言癯可表溪蟹之雋又詩
蟹生溪味爽梅報野香踈

潭蟹

陶商翁詩遠草牛羊動暗潭蝦蟹明

渚蟹

宋景文詩晨杯鬪鼓江蓴滑夕俎供糖渚蟹肥

泖蟹

三泖屬華亭蟹大而美人呼為泖蟹

水中蟹

晉解系與趙倫同討叛羗後倫以憾收系兄弟
梁王彤救之倫曰我於水中見蟹且惡况此人

輕我耶遂害之

莊子秋水篇公子牟曰子獨不聞夫井底之蛙乎謂東海之鼈

曰吾樂與爾跳梁乎井幹之上入休乎缺甃之崖赴水則接掖持頤股泥則沒足戒跗還肺蚌與科斗莫本草圖經曰蟹生諸水中取無時曾吾能若也

裘父詩遠及水中蟹直以投道醢謝幼槃詩論
功直與酒盃同何事生涯在水中

石蟹

本草圖經曰伊洛水中有石蟹東坡詩溪邊石
蟹小如錢曾文清詩斫雪流膏乃如許也容石
蟹趁時新踈寮詩翠驚茗影亂蟹過石陰空又

詩秋蘭臨澗活石蟹帶霜饑又詩蟹遨離罇石
翠狎跂枯蓮又詩沙清幽蟹露樹蔚野禽留僧
願詩石涼幽蟹過枝脆雨蟬休幽蟹二字良佳

潮蟹

陸放翁詩潮壯知多蟹霜遲不換麪

新蟹

溫公詩鴈隨斜柱絃隨指蟹薦新螯酒滿船陸
放翁詩鮮鱸出網重魚斤新蟹登盤大盈尺又
詩啄黍黃雞嫩迎霜紫蟹新又詩溪女留新蟹

園公餉晚瓜又詩輪囷新蟹黃欲滿磊落香橙
綠堪摘又詩半榼浮蛆初試釀兩螯斫雪又嘗
新

早蟹

本草圖經曰今南方人捕蟹差早蘇轍城詩曰
白魚紫蟹早霜前有酒何須問聖賢張耒詩早
蟹肥堪薦村醪濁可斟

老蟹

梅聖俞詩老蟹飽經霜紫螯青石殼又詩秋葉

蕭蕭蟹應老憶昔共歸江上初踈寮詩相次西
風吹蟹老眼前且作鱠殘圖又詩大川足鳧鴈
蟹老魚亦老又詩菊報香萸熟橙催宿蟹肥宿
字亦前人未用

螃蟹

吳興志曰十月雄鬪大蟲謂蟹大而有力亦曰
螃蟹周禮疏曰祭器以螃蟹爲飾施於祭川者
也又曰今之螃蟹其反行也日華子曰螃蟹涼
涼字宜入詩元微之詩池清漉螃蟹瓜蠹拾蝦

蟻毛友謝送螃蟹詩沙頭郭索衆橫行豈料身
歸五鼎烹

毛蟹

海物志曰螃蟹曰毛蟹

活蟹

梅聖俞有荅吳正仲送活蟹詩詩見四卷中

春蟹

梅聖俞詩年年收稻買江蟹二月得從何處來

夏蟹

吳越人採夏蟹曰蘆根蟹謂止食芟蘆根也陶
商翁詩蘆根紫蟹團臍少楓葉青鱖縮項來章
甫詩今朝忽至前郭索當炎伏乃知楚人饒不
待秋霜熟踈寮詩夏蟹新中食初菘脆入齏

秋蟹

林和靖詩水痕秋落蟹螯肥閑過黃公酒食歸
宋景文公詩秋水江南紫蟹生梅聖俞詩秋來
魚蟹不知數秋葉蕭蕭蟹應老齊唐詩身閑婚
嫁畢秋晚蟹螯肥趙潼垂虹亭詩露垂曉橘金

九重霜飽秋螯玉股肥踈寮詩不是桂菊蟹如
何能好秋

霜蟹

宋景文詩秋蓴未下豉霜蟹恣持螯梅聖俞詩
欲攬整白帽酒壺及霜螯又詩老蟹飽經霜紫
螯青石殼劉貢父詩霜蟹人人得春醪盎盎浮
蘇轍城詩黃花簇短籬霜蟹正堪持又詩勝處
舊聞荷覆水此行猶及蟹經霜又詩風高熊正
白霜落蟹初肥謝民師詩秋風鱸絲霜月持

蟹螯俞紫芝詩莫怪野人經宿住白蘋霜落蟹
肥螯陸放翁詩霜蟹薦肥螯絲蓴小添豉

稻蟹

彭器資詩玉粒稻初熟霜螯蟹正肥強至詩淑
根樞烏急吳霜稻蟹肥又詩木奴競熟饒干樹
稻蟹初肥嗜二螯陸放翁詩稻蟹中盡海氣秋
後空

樂蟹

吳人以稻秋蟹食既足腹芒朝江為樂蟹

冬蟹

月令曰季冬行秋令介蟲為妖注曰五為鼈蟹
孫真人月令曰十二月勿食蟹傷神陸龜蒙詩
強作南朝風雅客夜來偷醉早梅傍陸放翁食
蟹詩東崦夜來梅已動一樽芳醞竟須攜與大
陸意同則是冬持螯矣

燈蟹

吳越及中都以上元時蟹為貴謂之燈蟹踈寮
詩風流誇老蟹拚命看元宵

大蟹

震澤漁得蟹大如斗老漁曰鼈蟹之殊常者必
江湖之使烹之不祥乃縱之橫行水面一里方
沒陸放翁詩蟹束寒蒲大盈尺鱸穿細柳重魚
斤

尺蟹

陸放翁詩紫蟹迎霜徑一尺白魚脫水重魚斤
又詩一尺輪囷霜蟹美十分激灩杜醅香又詩
白鷺作鮓天下無潯陽糖蟹一尺餘踈寮詩硯

八百年今懶進蟹一尺大何能烹又詩壯盈尺
大貪持蟹黃十分香憐破橙

斤蟹

吳人以蟹及斤者為奇陸放翁詩黃柑磊落圍
三寸尺蟹輪囷可一斤

箇蟹

食療曰八月前每箇蟹腹中稻穀一顆輸海神
遇八月即好經霜更美

子蟹

海物志曰蟹之有子者曰子蟹孟詵曰蟹子散
諸熟

紫蟹

李邦直詩紫蟹黃柑新酒熟夜間船尾唱伊州
張文潛詩黃柑紫蟹見江梅紅稻白魚飽兒女
又詩秋風五千里碧蕨魚紫蟹東坡詩紫蟹鱸
魚賤如土得錢相付何曾數裴若訥詩漁人借
問去何處白酒香甜紫蟹肥趙令時詩紫蟹黃
橙知有思天教出向夜涼時踈寮詩月洗黃蘆

雪天生紫蟹秋

健蟹

黃太史詩螳臂怒兮專車蟹螯強兮鬪虎曾文
清詩橫行足使斑寅懼乾死能令瘡鬼亡陸放
翁詩芋肥一本可專車蟹壯兩螯堪敵虎踈寮
詩鴈愁奔舊菊蟹健敵新醪又詩蟹與人同健
詩如酒怕陳又詩筴逼花皆立騷添蟹越道又
詩最覺黃花如有意却憐豪蟹欲相踈用適字
豪字強於健字又詩沙空禴逸蟹泉熟煮寒青

逸字亦未經用又詩菊纔重九破蟹却十分傲
傲字又佳於逸字

生蟹

濟衆方曰小兒頭顱不合用生蟹足骨搗傅

魚蟹

陸龜蒙詩直至葭茨少歌言魚蟹肥黃亞夫詩
菱芡與魚蟹居人足未不東坡詞渙父飲誰家
去魚蟹一時分付蘇欒城詩飲食從魚蟹封疆
入牛斗呂居仁詩連年湖海病未免魚蟹罰陳

璫詩活計魚蝦蟹此事屬漁舟疎寮詩迴舟指
淞江徑奔魚蟹海

蝦蟹

蝦亦六跪兩螯

虞預會稽典錄曰吞舟之魚不啗蝦蟹東坡詩
一魚中乃萬魚驚蝦蟹奔忙誤跳躑胡澹翁詩
鮭魚還抵店蝦蟹不論錢

蟹占

蟹宮

天文錄曰十二星有巨蟹宮黃太史詩雖居天

上三辰次未免人間五鼎烹陸放翁詩魚長三尺催鱠玉蟹巨兩螯仍斫雪用巨蟹本乎此良佳

蟹日

白樂天詩亥日饒蝦蟹寅年足豹羆又曰寅年籬下多逢豹亥日沙頭始買魚又曰亥市魚鹽聚神林鼓笛鳴亥市二字尤佳

蟹灾

月令曰季冬行秋令介蟲為妖注曰丑為鼈蟹軍畧灾篇曰地忽生蟹當急遷砮柵不遷將亾廣五行記曰軍行地無故生蟹砮宜急移魚蟹之類水失其性則有此孽抱朴子曰兵地生蟹者宜急移軍太乙右玉帳之中不可攻也

蟹食

國語曰越王問范蠡曰今吳稻蟹食不遺種伐其可乎搜神記晉太康中會稽郡蟹皆為鼠食稻陶隱居曰蟹食水苳有節陶商翁詩注曰蘆根與稻蟹之所食

蟹漆

淮南子曰磁石引針蟹脂敗漆注曰置蟹漆中則漆敗也抱朴子曰蟹之化漆麻之壞酒不可以理推也博物志曰蟹漆相合成水陶隱居曰投蟹漆中化為水飲之長生又見神仙服食方

蟹鼠

淮南萬畢術曰燒蟹致鼠淮南子曰釋大道而任小數無以異于蟹捕鼠蟾蜍捕蚤注曰以火灼蟹匡上內置穴中乃熱足走窮穴能捕二鼠又曰使蟹捕鼠必不得劉貢父蟹詩捕鼠功豈具謝幼槃蟹詩焚臍未用集鼠輩椎髓方嫌太瘦生

蟹亂

吳語曰蝦荒蟹亂

蟹畧卷之二

凡十七紙

蟹畧卷之三

高氏似孫修

蟹貢

獻蟹

汲冢周書王會篇曰成帝時海陽獻蟹

供蟹

劉聰以襄陵王攄坐魚蟹不供被誅

貢蟹

韓子蒼糖蟹詩注曰舊說平原歲貢糖蟹黃太

史蟹詩誰知揚州貢此物真絕倫

登蟹

陳克詩小楫登魚蟹平原聚鳥烏

禁蟹 取蟹

本草曰蟹取無時三國典畧曰齊王禁取蟹蛤之類惟許捕魚沈立為兩浙漕奏罷魚蟹之征

孝蟹

田彥升奉母孝嗜蟹遠市於蘇雪之間熟之以歸揚行密將田頌兵暴至人皆竄避餒死獨彥

升挈囊負母竟以蟹免時以為孝報古者有孝魚有孝筍有孝泉今表以孝蟹云

遺蟹

張敞集朱登為東海相遺敞蟹報書曰蘧伯玉受孔子之賜必及鄉老敞謹分斯貺于尊行者何敢獨烹之梅聖俞詩姚江遺魚蟹稽山奉筍蕨

送蟹

梅聖俞謝人送蟹詩幸與陸機還往熟每分吳

味不嫌猜曾表父蟹詩故人憐我貧走送不待
買陸放翁詩客送輪困霜後蟹僧分磊落社中
輩

買蟹

梅聖俞詩年年收稻買江蟹三月得從何處來
踈寮詩多買潮來蟹催烹帶得魚

烹蟹

張敞以蟹分于尊者不敢獨烹梅聖俞詩邀飲
奉醪醴案杯烹蟹螯王初寮糟蟹詩烹不能鳴

渠幸生含糊終作醉 卿行韓子蒼蟹詩海
上竒烹不計錢枉教陋質上金盤踈寮詩近澗
取曰水初篤烹石蟹

煮蟹

御食經有煮蟹法諺曰百無使解燒湯煮蟹謝
幼槃蟹詩不使落湯頻下筋正此謂也陶商翁
詩落成序嘉賓煮蟹膾溪鱸踈寮詩天差鶴管
烹茶水風夾花吹煮蟹煙

熟蟹

田彥升母嗜蟹彥升至孝遠市於蘇湖間熟之
以歸陶商翁詩蟹螯紅熟鮑魚活此興重來未
有時

斫蟹

東坡詩半殼含黃宜點酒兩螯斫雪勸加餐陸
放翁詩披綿黃雀麴糝斫雪紫蟹柑橙香

持蟹

皮日休詩病中元用雙螯處寄與夫君左手持
宋元憲詩左手螯初美東籬菊向開宋景文公

詩下箸未休資快嚼持螯有味散朝醒又詩蟹
味持螯日魴甘柳鮓天晏元獻詩蟹螯今在左
願柏酒池浮王歧公詩誰共危樓爽氣右持
樽酒左持螯東坡詩主人有酒君獨辛蟹螯何
不左手持又詩定煩左手持新蟹謾繞東籬嗅
落英汪彥章詩寒無蟹螯持猶覺非故園謝幼
槃詩相逢竟欲攜家釀莫厭尊前持蟹螯李商
老詩却笑思鱸膾應須持蟹螯陸放翁詩有口
但可讀離騷有手但可持蟹螯此二句英絕括

盡諸人之作蟹惟可與螯並言有騷者必以予
言爲快也謝孝廉詩秋風鱸絲霜日持蟹螯
踈寮詩蟹纔逢畢卓酒不了劉伶又詩小山花
落渠如別右手螯香我欠肥又詩折得花相伴
消渠酒拍浮又詩未較剪初菲全如持左螯又
詩鴈老已忘蘇武節蟹危猶愛畢郎奇此方是
用事可以揜群作矣

把蟹

杜詩二螯堪把持晏元獻詩未暇南浮海何妨

右把螯宋景文對把蟹螯何處酒橙藿蓴菜此
時羹蘇魏公詩盤豐介象膾手把畢生螯東坡
詩書空漸覺新詩健把蟹行看樂事全汪彥章
章詩左手蟹螯行可把新醅早晚定堪醉黃太
史詩此中亦有無弦意相對樽前把蟹螯齊唐
詩春波弛上搯琴薦秋月桐陰把蟹螯呂居仁
詩漸湏把蟹螯慎莫貸雞肋陸放翁詩何由共
杯酒把蟹擘黃柑

擘蟹

陸龜蒙詩相逢便倚魚葭宿更唱菱歌擘蟹
范忠宣公詩堆盤白玉鱸魚美手擘黃金蟹殼
肥陸放翁詩尖團擘霜蟹丹漆飮山梨又詩蟹
黃暫擘饒涎墮酒渌初傾老眼明又詩挑燈剩
欲開書帙擘蟹時須近酒船

啖蟹 食蟹

蔡謨渡江不識螿蟻以為蟹而啖之梅聖俞詩
食蟹易美 橋佐酒柑佐醉

蟹饌 本草圖經曰今人以蟹為食品之佳
味佳味二字良佳此彙聊以存古非

有意於饌也序曰蟹箴其此義乎然
昌黎聯句有曰楚臙蟬亂獠羞螺
蟹并以為獠羞則寬矣元微之詩官
醪半清濁夷饌雜腥羶夷饌即獠羞
也至若何曾有食疏弘君
有食擻皆不可以為法

糖蟹 洗手蟹 酒蟹

黃太史賦曰蟹微糟而帶生今人以蟹沃之鹽
酒和以薑橙是蟹生亦曰洗手蟹東坡詩半殼
含黃宜點酒即此也宋景文詩曲長溪舫遠宴
暮酒螯香黃太史詩解縛華堂一座傾忍堪支
解見香橙王初寮詩熟點醢薑洗手生樽前此

物正施行哺糟晚出尤無賴尚有饒夫染指爭
陸放翁詩披綿珍鮓經旬熟斫雪雙螯洗手供

蟹螯 鹽蟹

周禮注曰蟹醢也唐韻曰鹽藏蟹又曰螯亦鹽
藏也本草圖經曰蟹螯味鹹性寒有毒食療曰
蟹以鹽淹之作蝟崔德符詩曰團臍紫蟹初欲
嘗染指腥鹹還復輟陶商翁詩玉版淡魚干片
白金膏鹹蟹一團紅

蟹食

蟹醢之類惟松茗間精乎此曾裘父詩遠及水
中蟹直以投菹醢

蟹羹

宋景文詩秋水江南紫蟹生寄來千里佐吳羹
踈寮誓蟹羹詩年年作誓蟹為羹倦不支吾畧
放行

糟蟹 糟法菜莫一粒置
屨中經年不沙

黃太史賦曰蟹微糟而帶生蘇魏公詩右把卮
酒左持螯慷慨酣歌藉糟王初寮詩醉死楊家

郭索生此曹平日要橫行謝幼槃蟹詩不使洛陽頻下箸終令骨醉柰春風章甫蟹詩藉糟行萬里醉死甘爲戮踈寮糟蟹詩啜醑正自強持酒衆醉如何敢獨醒

糖蟹

南史何嗣侈於食味去其甚者猶有糖蟹使門人議之鍾岢曰蟹之將糖躁擾彌甚仁人用意深懷惻怛地志曰青州貢糖蟹宋景文詩訟失閑鄉狂糖螯佐壽杯黃太史詩海饌糖蟹肥江醪白螳醇蘇舜欽詩霜柑糖蟹新醅美醉覺人生萬事非韓子蒼糖蟹詩只訝平原驛使稀不嗔彭澤寄來遲勸君莫以無腸故忍見紛紛躁擾時注曰舊說平原歲貢糖蟹此可爲蟹箴矣謝幼槃詩變相驚蜊異將糖嫵蟹躁

蟹齏

吳人齏橙全濟蟹勝韓昌黎詩筆以椒與橙腥臊姑越者也蔣穎叔松江亭詩品待秋風鱸味美重來鱠玉啜齏橙此明言橙齏也白樂天詩

老去齒衰嫌橘醋橘醋二字極佳枚乘七發曰
酢以越裳之梅梅酢對橙橙為佳未有人用也
陸放翁詩醢醬點橙醬美不數魚蟹邵迎詩鹽
豉調羹金液膩橙齏薦鱠玉絲肥踈寮詩笋早
趨禽腹橙香適蟹齏又詩尊逢鱸始服橙入蟹
偏香

蟹黃

游京錄曰京師買蟹黃包絕勝嶺表錄異曰廣
人取蟹肉膏如黃蘇加以五味和殼煖之張佑

詩蟹黃鹹滿箸熊白軟加籩黃太史詩長安干
門雪蟹黃熊有白韓子蒼詩君家自有甌石儲
蟹黃熊白能俱設李商老詩食蟹貴抱黃食魚
先腹腴謝幼槃詩端為懷黃取蟹烹豈因多足
恣傍橫

蟹餌饌

嶺表錄異曰以蟹黃淋以五味蒙以細麪為餌
饌珍美可尚

蟹包

陸放翁詩蟹饌牢九美

問人封德言餅賦中魚所謂牢九今包子是

羹鱠殘香踈寮蟹包詩妙手能誇薄樣梢桂香

分入蟹為包也知不枉持螯手便是持螯亦草

茅

蟹飯

李頎詩炊飯蟹螯熟下箸鱸魚鮮踈寮詩蟹豪

留客飯芎細約僧茶

蟹牒

一字陶隱居蟹類最多類

蝓蟬

明越風物志曰蝓蟬并螯十足生海邊泥穴中

大者曰青蟬小者曰黃甲陳藏器本草曰蝓蟬

隨潮退殼一退一長日華子曰蝓蟬性冷無毒

解熱氣陳藏器曰治小兒悶痞嶺表錄異曰螯

足無毛兩小足薄而闊謂之撥棹子埤雅曰蝓

蟬兩螯至強能與豹鬪柳子厚詩蝓蟬願親燎

茶薰甘自薈歐陽公詩為我辦酒殽羅列蛤與

蚌東坡蝓蟬詩溪邊石蟹小如錢喜見輪囷赤

玉盤半殼含黃宜點酒兩螯斫雪勸加餐蠻珍

海錯聞名久怪雨腥風入座寒堪笑吳興饒太守一詩換得兩尖團鄭毅夫詩正是西風吹酒熟蝻蚌霜飽蛤蜊肥踈寮詩老蟹自應強雋逸壯蚌還只象膏梁又詩斫雪蝻蚌贍生香菜莉孟曾文清詩使君領客未經旬更以蝻蚌作小春

蝻

明越風物志曰蝻蚌大者曰青蝻晉安記曰蝻蚌斷物若芟如牟焉又曰武蝻本草圖經曰蝻

隨潮退殼一退一長其力至強能與豹鬪豹不能勝洪玉父詩丹荔薦盤驚北客赤蝻供饌識南州踈寮詩豆寇雨分霽翠蝻雪炊春香又詩蝻肥和雪鱠梅早夾春筍又富次律送蝻鱗甲錯夏物懷青莫如蝻蘇公今張華何微不知音入手巨螯健斲雪雋莫禁宛然如玠輩曾是秉玉心蟹因龜蒙傑酒與畢郎深二者不可律食之當勻斟

螯
蜞

世說曰蔡司徒過江見彭蜺大喜曰蟹有八足
加以兩螯令烹之既食委頓吐下方知非蟹後
向謝仁祖說此事謝曰卿讀爾雅不熟幾為勤
學死爾雅曰蝟小者螃即彭蝟也似蟹而小按
彭蜺小蟹大於蝟所謂蝟蟬者也蔡謨不精於
大小食而至於弊故曰讀爾雅不熟陶隱居曰
彭蜺生海邊似彭越而大似蝟而小皮日休蟹
詩族類分明連瑣珞形容好箇似彭蜺宋景文
蟹詩定知不作彭蜺誤曾厠西都學士名李商

老詩大嚼故應羞海鏡嗜甘乃誤食彭蜺欲將
磊落慙爾雅委頓深憐蔡克兒陶商翁詩蠢菌
發嬉笑彭蜺生嘔洩

彭蝟

爾雅曰蝟蟬小者螃

反力刀

郭璞曰即彭蝟也膏

可塗癬埤蒼曰螃螺屬或曰即螃也似蟹而小
海人曰彭蝟辣螺所化蝟又化為蟬中華古今
注曰彭蝟小蟹也小蟹二字亦佳嶺表錄異曰
吳越間以鹽藏貨之晉書曰夏統孝海邊拾彭

蝟以資養劉馮事始曰世傳漢醢彭越賜諸侯
英布不忍視之覆江中化此故曰彭越白居易
詩卿味珍彭越時鮮煮鷓鴣張祐詩瀟瀟穿蘆
葉彭蠡上竹根章甫詩外事添蛇足餘生嚼越
蝟

擁劍

唐韻曰擁劍若蟹古今注曰一名執火以其螯
赤也本草圖經一螯大一螯小者名擁劍陶隱
居曰擁劍似彭蠡而大似蟹而小

桀步

海物志曰彭蠡一種曰桀步埤雅曰蜺橫行謂
之桀步

江蜥

唐韻曰蜥若蝟蚌生海中今廣潮間有蜥乾本
草圖經曰闊殼而多黃者名蠟生南海

蠶

唐韻曰蠶若蟹生海中

虬

唐韻曰蚘蛤屬若蟹

蟹 普流反

玉篇曰虾若蟹二足及出郭璞江賦

蚶 上方市反 下布莫反

玉篇曰角蟹也

鮓 以水反 一地果反

唐韻曰蟹子也海物志曰有子者曰子蟹

蟹 牒二

海蟹 缸蟹 母蟹 赤蟹

紅蟹 白蟹

海物志曰蟹俗呼曰蟹經霜有膏曰赤蟹無膏

曰白蟹海人以鹵治之曰缸蟹嶺表錄異曰有

赤母蟹又有紅蟹即赤蟹也秀之華亭林湖近

顧野王宅天聖間忽生白蟹一年而絕蘇樂城

詩奉親魚蟹無臨海退食琴書有定庵胡澹翁

詩赤魚白蟹何足數風味未可松江鱸陸放翁

詩白蟹魚肥初上市輕舟無數去乘潮

江蟹

郭璞江賦曰瑣珞腹蟹水母目蝦松陵集注曰
蠟蝓似蚌有一小蟹在腹中為蝓出求食蟹或
不至蝓死淮海人呼為蟹奴皮日休詩蟹奴睛
上臨湘檻鴈婢秋隨過海船梅聖俞詩一十明
月腹中有小碧蟹即此也

沙蟹

海物志曰一種小於彭越曰沙蟹許渾詩江上
蟹螯沙渺渺鴈中蝸殼雪漫漫
水蟹

嶺表錄曰水蟹螯殼內皆鹹水

彪蟹

嶺表錄異曰蟹殼上彪斑可為酒器

石蟹

廣州記曰石蟹出南海蟹化為石遇潮漂出主
消眼翳治眼澁細研和水入藥相佐用以點眼

蟹畧卷之三

凡十五紙

蟹畧卷之四

蟹雅

蟹圖

高氏似孫修

唐畫斷曰韓滉畫妙於螃蟬聖朝名畫評曰閻士安宛丘人善畫基蟹於架中有易元吉蟹圖郭忠恕蟹圖又有金門羽客李德柔郭索鉤輶圖劉貢父畫蟹詩後蚓智不足捕鼠功豈具一為丹青錄能使萬目顧氣凌龜龍蟄勢徑滄海

渡微物亦有動將非逢學誤強至墨蟹詩瑣瑣
江湖中忽在幽人壁短螯利雙鉞長跪生六戟
骨眼驚自然熟視審精墨初疑螳穴束猶帶浮
泥黑橫行竟何從躁心固已息終朝墻壁間頗
有肥霜色我來空持杯左手莫汝食謝奪造化
功生成歸筆力

蟹琴聲

琴錄曰履霜操有蟹行聲齊唐詩槐楓親黼辰
畫蟹描朱絃

蟹眼茶湯

茶錄曰煎茶之泉視之如蟹眼皮日休煎茶詩
時看蟹目濺乍見魚鱗起東坡詩蟹眼已過魚
眼生颼颼欲作松風聲又詩蟹眼翻波湯已作
龍頭拒火柄猶寒黃太史詩遙憐蟹眼湯已作
鶯管玉蘇藥城詩蟹眼前煎來聲未老兔毛傾看
色尤宜蔡君謨詩兔毫紫鷗新蟹眼青泉煮曾
裘父詩朝來蟹眼方新試昨夜燈花早得知

蟹杯

嶺表錄異曰彪蟹殼上有彪斑又有五色者可
為杯皮陸詩注南人目螺之有色者曰雲螺用
以酌酒亦此類也

蟹志賦詠

蟹志

陸龜蒙

蟹水族之微者其為蟲也有籍見於禮經載於
國語楊雄太玄辭晉春秋勸學等篇考於易象
為介類與龜與鼈剛其外者皆乾之屬也周公
所謂傍行者與參於藥錄食蔬蔓延乎小說其

智則未聞也惟左氏記其為災子雲譏其躁以
為郭索後蚓而已蟹始窟穴於沮洳中秋冬交
必大出江東人云稻之登也率執一穗以朝其
魁然後從其所之也早夜感沸指江而奔渙者
緯蕭承其流而障之曰斷音鍛斷短其入江之道
焉爾然後扳援逸遯而者往十六七既入于江則
形質寔大於舊自江復趨於海如江之狀漁者
又斷而求之其越軼遯去者又加多焉既入于
海形質益大海人亦異其稱謂矣嗚呼執穗而

朝其魁不近於義耶拾沮洳而之江海自微而
務著不近於智也今之學者始得百家小說而
不知孟軻荀楊氏之道或知之又不汲汲於聖
人之言求大中之要何也百家小說沮洳也孟
軻荀楊氏聖人之瀆也六籍者聖人之海也苟
不能捨沮洳而求瀆由瀆以至於海是人之智
反出於水蟲下能不悲夫吾是以志其蟹

松江蟹舍賦

高似孫

鴟夷子皮既相勾踐讐闔閭殄夫差弔子胥無

懣恨於越人迄騁懷於西吳乃昂然作喟然吁
曰兔死犬烹鴻罹于罟古人所危吾其亟圖方
將朝三江夕五湖一去不回樂哉此桴屣其遺
於人間情嫋嫋於姑蘇水統乎笠澤天包乎具
區松陵互潮太湖交瀦川納壑府波畫村墟石
罅碕岸崖釐別區波程杳渺水路盤迂洄渚棊
布聚落星敷采之於山則綠膩女棄黃苞橘奴
牧菽貢梨剥棗擷茶取之於水則絲被紫萼筍
食青菰采菱舂芡食蓮燒蘆是皆舟子所鄉漁

卽所廬葭茨兮爲域萑葦兮爲墟鴻鷺兮爲隣
鵲鷦兮爲徒時則天澄月淨風恬靄舒或霧氣
之濛沫或煙雨之扶踈棹歌亂發漁榜疾徐命
儔嘯侶靡不一魚蔭柳邊之梟慘挂隔花之罾
異兒奏輕筇婦手飛鼠水之事潑潑一發靡虛
乃有鱠殘之鯽四腮之鱸瓌異叢毓鱗甲紛拏
鯉皆奔於漁市羨足給於魚租至於露老霜來
日月其徂萬螯生涼含黃腠膚其武郭索其雄
睚眦其心易躁其腸實枯鼓勇而喧集齊奔而

並驅鴟夷公顧而笑曰昔者吳之將徵民甚難
虞厥有躁亂害于菑畬是故汝輩之所騁者歟
吳人趨而告曰當是時也善有鮮鑑貞有罕孚
樂鳩乎毒習甘乎諛一艷方妍漂香沉珠樂極
危生淪胥以鋪是故非蟹罪也維我吳人以漁
爲娛施勤於簷斲皆得志於江途方洞庭兮始
霜熟萬稼兮豐腴執一穗兮朝魁目洪溟兮爭
趨工緯蕭兮承流截感沸兮防逋燎以乾葦檻
以青奴喧動涼筵驚飛宿鳧其多也如涿野之

兵其露也如太原之俘蟹事卓犖八荒所無今
敢藉以涼荻束之風蒲願奉一醉獻諸大夫大
夫嗒然笑曰嗟汝吳兮巨麗樂太伯兮開初括
於粵兮自裕跨荆蠻兮遠摹干星紀兮經畧控
軫野兮車書至若菽澤幽靈川瀆之滂灌注於
天下之半鬱拂兮瀛洲之居忘越矢之倏西嗟
縻臺之交蕪余方超萬物兮如蛻豈一蟹兮樂
且吳人再拜進曰大夫高矣儂聞宅金湯之固
者莫崇乎德者也建竹帛之功者莫勇乎謀者
也自吳越成敗愼君臣之嗟吁然儂者生長水
國子孫澤隅朝暮一艇寒暑一笛老魚鼈而為
命狎鷗鷺而不孤久與世以相忘亦傷今而欲
痛大夫方將謝軒冕樂樵漁幹玄機兮相高庶
幾遜兮不渝今儂有粳可炊有酒可酌幸江山
兮如待期風月兮無辜大夫為之愕然曰君子
者事豈以蟹為業者歟非渭水之遺智必山澤
之脩癯深樂其言藏道於愚欲去兮徘徊欲逝
兮勤劬舉酒酬酢何其悲歟與之釋縛使之柏

浮剝甲如山，蠶橙如鋪。意晤忘言，酒深相扶。指
青天兮自誓，幸來世兮知予。渺煙水兮莫能留，
迅孤舟兮不可呼。蟹翁者三歎於悒，四顧躊躇，
揖長江兮脫如矢。歌浩浩兮何能俱，其歌曰天
高兮月寒，大風兮水急。鴻遠兮汲汲，人有慕兮
嘆何及。木落葉兮洞庭波，江有汜兮漢有沱。把
酒吞天，聊自歌歌。月落兮愁如何，又歌曰楓落
兮隕霜，菰香兮如雪。一舟兮太決，智者樂兮樂
者哲。蟹健兮鱸肥，風吹酒兮酒淋衣。知有蟹兮
不知時，若斯人兮其庶幾。

詩

蟹寄魯望

皮日休

紺甲青匡染落衣，島夷初寄北人時。離居定有
石帆覺失伴，惟應海月知族類。分明連瑣瑤瑤，
似小蚌有一小蟹在腹中時形容好箇似彭蜺。
出求食淮海呼之為蟹奴病中無用雙螯處，寄與夫君左手持。

襲美寄蟹

陸龜蒙

藥杯應阻蟹螯香，却乞江邊採捕郎。自是揚雄

知郭索且非何嗣敢餒鯨骨清猶似含春鬻沫
白還疑帶海霜強作南朝風雅客夜來偷醉早
梅傍

客惠吳蟹

宋祁

秋水江南紫蟹生寄來千里佐吳羹楚人故使
衷留甲齊客何妨死願烹下箸未休資快嚼持
螯有味散朝醒定知不作彭蜺誤曾厠西都學
士名

吳正仲遺活蟹

梅堯臣

年年收買吳江蟹二月得從何處來滿腹紅膏
肥似髓貯盤青殼大於杯定知有口能噓沫休
信無腸便畏雷幸與陸機還往熟每分吳味不
嫌猜

釣蟹

梅堯臣

老蟹飽經霜紫膏青石殼肥大窟深淵曷虞遭
食啄香餌與長絲下垂寧可覺未免利者求潛
潭不爲邈

食蟹

黃庭堅

海饌糖蟹肥江醪白蟻醇每恨腹未厭誇談齒
生津三歲河外霜團臍常食新朝泥看郭索暮
鼎調酸辛趨蹌雖入筴風味極可人憶觀淮南
夜火攻不及晨橫行葭葦中不自貴其身誰憐
一網盡大法河北民昂司費萬錢玉食常羅珍
吾評揚州貢此物真絕倫

謝何十三送蟹

黃庭堅

形容雖入婦女筴風味可解壯士顏寒蒲束縛
十六輩已覺酒興生江山

借荅送蟹韻戲小何

黃庭堅

草泥本自行郭索玉人為開桃李顏恐似曹瞞
說雞肋不比東阿舉玉山

代二螯解嘲

黃庭堅

仙儒昔日卷龜殼蛤蜊自可洗愁顏不比二螯
風味好那堪把酒對江山

又借前韻

黃庭堅

招潮瘦惡無永味海鏡纖毫只強顏想見霜臍
當大嚼夢回雪鬢摩圍山

鄂渚絕無蟹偶得數枚吐沫相濡乃可
憫笑

黃庭堅

怒目橫行與虎爭寒沙奔火禍胎成雖為天上
三辰次未免人間五鼎烹

其二

勃宰盤跚蚤涉波草泥出沒尚橫戈也知齧鯨
元無罪柰此樽前風味何

其三

解縛華堂一座傾忍看支解見香橙東歸却為

鱸魚膾未敢知言許季膺

食蟹

張耒

世言蟹毒甚過食風乃乘風淫為末疾能敗股
與肱我讀本草書美惡未有憑筋絕不可理蟹
續牢如絙骨萎用螯補可使無辜騰凡風待火
出熱甚風乃騰中炎若遇蟹其快如霜冰俗傳
未必妄但恐殊愛憎本草起東漢要之出賢能
雖失諒不遠堯跖終殊稱書生自信書俚說徒

營營

寄文剛求蟹

張耒

遙知漣水蟹九月已經霜
匡實黃金重螯肥白
玉香塵埃離故國詩酒寄他鄉
若乏西來使何緣致洛陽

次韻震子磐送糟蟹

王履道

醉死楊家郭索生此曹
平日要橫行不須覆醢
煩諸子試比糟豚幾許爭

其二

熟點醢薑洗手生搏前
此物正施行哺糟晚出

尤無賴尚有饒夫染指爭

其三

烹不能鳴渠幸生含糊終作醉
鄉行裂臍已腐人誰照折股
猶腥犬謾爭

其四

塞上秋殘百萬生書囊旁午
此時行聾丞自薦
牋雖妙未必持螯手肯爭

其五

莫笑頭陀飯出生要將戒殺
勸修行霜螯斷命

終妨道身作人爲了不爭

康判官寄螃蟬

毛友

沙頭郭索衆橫行豈料身歸五鼎烹支解樽前
供大嚼胸中戈甲也虛名

食蟹

韓駒

海上竒烹不計錢枉教陋質上金盤饒涎不避
吳儂笑香稻兼償楚客飡寄遠定須宜酒債嘗
新猶喜及霜寒先生便腹惟思睡不用殷勤破
小團

謝江州送糖蟹

韓駒

故人書札訪林泉郭索相隨到酒邊未擘團臍
先一筴二螯能覆幾觥船

其二

只訝平原驛使稀舊說平原不嗔彭澤寄來遲
勸君莫以無腸故忽見紛紛躁擾時

食蟹

謝幼槃

端爲懷黃取醢烹豈勝多足恣傍橫焚臍未用
集鼠輩椎髓方嫌太瘦生

其二

分付厨人苦見嫌
十臍元有九臍尖
要知其中未必有
輸與蛤蜊如蜜甜

其三

論功直與酒杯同
何事生憎在水中
不使落湯頻下箸
終令骨醉柰春風

其四

有國常憂以味亡
浪知有毒味中藏
誰能不累口腹事
莫趁秋風噉稻芒

食蟹

李商老

溪友提攜紫蟹肥
形模郭索就羈縻
抱黃斫雪老饕事
看碧成朱露醉時
大嚼故知羞海鏡
嗜甘易誤食彭蜺
欲將磊落輕爾雅
委頓深憐蔡克兒

詠蟹

陳與義

量才不數鰲魚額
四海神交顧長康
但見橫行疑是躁
不知公子實無腸

糟蟹

曾幾

風味端宜配麴生無腸公子籍糟成可憐不作
空虛腹尚想能為郭索行張翰尊鱸休發興洞
庭蝦蟇可忘情君看醉死真竒事不受人間五
鼎烹

錢仲脩餉新蟹

曾幾

開簷破殼喜新黃此物移來所未嘗一手正宜
深把酒二螯已是飽經霜橫行足使斑寅懼乾
死能令瘡鬼止畢竟爬沙能底事祇應大嚼慰
枯腸

趙嘉父致松江蟹

似孫己下十
三首

鴈知楓已落松江催得書來急蟹網消一兩螯
如斲雪強三百橘未經霜無詩莫學天隨子有
酒當呼吏部郎不解持經聊戒殺省嫌無板去
燒湯

李迅甫送蟹

小橘枚枚菊未黃蟹肥全不待些霜莫嫌草草
相知少猶是曾為吏部郎

其二

平生如此 蒙蟹便無錢也
多多買瞥見風姿
已瀟灑一呷橙齏酒如漣

誓蟹羹

年年作誓蟹為羹
倦不能支畧放行
但是草泥行郭索
莫愁豕腹脹彭亨
酒今到此都空了
詩亦隨渠也瘦生
吏部一生豪到底
此時得意孰為爭

趙嘉父送松江蟹

青天肯為蟹飛霜
蟹亦貪詩老更狂
楓葉已隨

詩共冷菊花能為酒
先忙平生爾雅消
能熟此去玄經孰敢荒
剪取吳松半江水
漁翁不敢叫滄浪

同父送松江蟹

人間寧有幾松江
蟹到強時橙也黃
非是龜蒙無此雋
自從茂世孰為忙
乾坤太半漁為宅
雪月從頭筆做牀
不讀晉書誰了此
晉書不讀也蒼茫

趙廣德送松江蟹

江空蟹急窘於菟滿腹清涼做盡秋茶竈筆牀
新意思寢香衞戟戟風流生拚不入吳王鱠死
亦相尋越女舟得一好詩無可憾無詩也不作
騷愁

趙崇暉送魚蟹

秋驅鴈至至猶稀且饌新笏理舊衣蟹為龜蒙
何惜死鱸非張翰且休肥五湖已去無遺恨三
徑方歸有昨非更欲借渠茶竈火蕭蕭葉滿洞
庭飛

趙若海惠蟬

早揮鱸手斫雲鼈雪帶晴飛且拍螯安得輪囷
如此壯也知郭索許多騷翰林風月從來別太
史江山一味豪今夜筆牀船上去已輸吏部十
分高

江寺丞送蟹

苦無多雨便重陽憶殺池頭煮蟹涼政用此時
消幾輩菊花先作故山香

吳中致蟹

天雨洞庭霜寒驅蟹力忙全然空俗味只是作
詩香酒已方纔熟橙猶未肯黃讓渠茶竈火和
月煮滄浪

汪彊仲即中送蟹

連日天街候駕歸且呼酒對早梅飛從來吏部
高情別右手分將老蟹肥

荅癯庵致糟蟹

秋入丹楓聲怒號吳兒得志飛輕舫緯以萬竹
瀾寒濤有法如兵勇於螯彼蟹甚武殊驛騷一

霜二霜如此膏物生固忌風味高最以風味無
一逃莖之酒鄉泣醜糟一醉竟死俱陶陶了我
一生凡幾醪死生大矣惟所遭飲中諸公人中
豪左手酒盃右手螯醉魂浩蕩不可招為君以
酒博葡萄世間萬事真牛毛一醉一死俱蓬蒿
恭惟不殺心忉忉視民如蟹嗚呼饕



蟹畧卷之四

凡十七紙

澤國風霜後
渙郎網罟前
波濤愁欲避
朝野急於賢
螳螂無能事
鱸魚不值錢
湏知畢吏部
不讓季鷹先

嘉靖十年歲次辛卯閏六月吉

姑蘇金昌柳僉錄
畢蟹畧作此詩志后



